


王梅溪全集

和  
1081  
7






16  
卷

宋王忠文公文集第十七卷

知樂清縣事楚南後學唐傳銓人岸重編

邑國學貢生瞿賢友文會校



祝文

饒州謁顏范祠文

二公名節百世所師俱臨是邦遺愛猶在死者可作非  
公孰歸某濫竊郡符獲瞻祠像太山北斗心竇慕之視  
事之初敢不躬告

顏范新祠成奉安祝文

番陽九賢咸有善政文忠之忠文正之正九賢之中於  
斯為盛祠宇一新丹青輝映凜然如生尚餘剛勁以激

宋王忠文公文集卷之十七



忠義以警邪佞福我邦人不禱而應不水不旱無兵無病血食萬年孰敢不敬祀事之初神乎其聽

夔州謁文宣王廟文

惟夫子之道一以貫亦奚間乎邇遐不陋九夷而欲居行乎蠻貊如一家今坤維文物之富人才之盛有洙泗風而無媿於諸華苟非聖教之旁達豈一文翁能化之耶某一介書生蒙恩帥巴媿無果達藝之才可以從政而亦粗知富庶教之何加若夫事賢友仁與學道而愛人也固不敢不勉所欲與諸生共勉者曰忠曰孝曰思無邪

謁昭烈廟文

嗚呼東都之季盜窺神器分鼎者三帝乃劉氏有高皇度有光武氣有王佐臣無中原地以區區蜀抗大國二天厭漢德壯圖弗遂功雖少貶四海歸義永安故宫遺迹可記君臣有廟英雄隋淚歲月浸遠棟宇莫治某來守是邦過而興喟一新廟貌薄薦殺裁旁觀入陣細讀三志我雖有酒不祀曹魏

謁武侯廟文

丞相忠武蜀之伊呂高卧南陽悲吟梁甫草廬之中三顧先主將漢是興非劉曷與君臣魚水蛟龍雲雨才十曹丕志小寰宇假令無死師一再舉吳魏可吞禮樂可許寧使英雄隋淚今古將畧非長庸史之語某受命天



子來帥茲土夢觀八陣果至夔府廟貌僅存風流可觀  
旁有關張一龍二虎安得斯人以消外侮

謁杜工部祠文

風雅頌息嗣之者誰後代風騷先生主之讀書萬卷蓋  
欲有爲明光三賦烜赫一時致君堯舜卒不克施此志  
蕭條乃昌其詩天欲其鳴窮之使悲復生太白如墳應  
箎流落劔南厥聲益馳莫年製作莫多如夔詩史有堂  
遺像有祠光豔照人膏馥滿碑歌蜀道難誦杜鵑詞忠  
不忘君先生是思

修武侯廟奉安祝文

八陣圖之北永安宮之南侯有祠焉蓋昔與先主控扼  
吳魏經營中原之地死而廟食宜矣然廟貌不稱非所  
以崇明祀也某至官之初首謁祠下命工葺之榜其坊  
曰卧龍擇日之吉帥同僚祀之不敢不告

諸廟祈雨文

茲者七月不雨禱祈未應神廟食于此其可坐視而不  
救乎油然雲沛然雨在神呼吸間也宜速効職毋作神  
羞

諸廟謝雨文

茲因不雨是用禱于神祇且責其坐視不救而戒其速  
宜効職果不踰時沛然下雨神亦可謂靈矣有德必報  
其何敢忘



湖州謁文宣廟文

夫子之道至大而神顏猶苦之犇軼絕塵設教以中善  
誘循循化被萬世遐邇惟均湖學之盛東南鮮倫風似  
鄒魯民同蜀閩某受命天子來爲守臣方以政學焉能  
牧民間諸夫子學道愛人益以無倦敢不諄諄若夫惟  
孝爲政勿欺事君願與諸生同書諸紳

謁顏魯公祠文

嗚呼百世魯公嚴霜烈日彼何人斯鬼面藍色公之所  
至人懷其德清風凜然尚餘鍊畫某昔守番陽今來雪  
川皆公舊治有象貌存視事之初敢不躬謁豈無他祠  
敬慕名節

祭安定先生文

慶曆皇祐有三巨儒太山徂徠盛不及湖眷言此邦如  
泗與洙弟子誦誦三千之徒中庸有傳皇極以敷法行  
太學化廣寰區諸老先生萬事問胡富矣道德賢哉範  
模國朝之治効在詩書先生之功不在都兪祠宇于泮  
松楸在吳歲時上冢冠帶必趨某受命天子來分郡符  
官既有守恨莫能俱恭命同僚往奠一壺嗟嗟先生今  
也則亡

泉州謁文宣王廟文

某以諸生入仕學實未優達不如賜藝不如求可使治  
賦又不如由屢縮郡章了無一善泉南鉅藩誤膺帝選



宋王忠文公集卷之十一  
學道愛人願如言偃益以無倦不敢不勉若夫美化易俗則在泮宮言采芹藻竊效僖公願與諸生名教是崇庶使無訟有君子風

韓魏公祠奉安祝文

嗚呼岳瀆之奇實生聖賢崧高甫申尼也文宣或生他邦必嘉山川李居江東蜀生謫仙我宋名世之士三而皆生于異郡焉溫公家陝右而生于光文忠家江西而生于綿人知忠獻公之爲相人也而不知其乃生于泉蛻蟪朋山滄淪清源氣如洛陽公得其全有異人兮知其祥有吉夢兮開其先香名一呼瑞日在天勛業三朝高視無前社稷之臣無以加伊周之美罔敢專然公所

至之邦皆有祠奚獨始生之地而闕然景德逮今百五十年泉人思公亦非不虔采其謚以名堂慕其風而欲傳飲清泉兮有懷薦一掬兮無緣州宅之東雲榭之邊喬木一林古屋數椽卽焉以祠繚之以垣龍章鳳姿彌貂戴蟬人皆曰我魏公也莫不喜歎而駢肩然公勛勒鼎彝名光節節不配清朝貌法凌烟亦奚用乎州郡之祀蓋聊以慰邦人之倦倦

諸廟祈雨文

前日不雨有請于神三日而應繁神之仁今又不雨其誰之咎灾不自作罪在郡守守固有罪斯民何辜曰雨而雨在神吸呼山川出雲沛爲膏澤不作神羞吏亦逃



責

韓魏公祠祈雨文

惟公生爲我宋之元勛死爲紫府之真人育于泉南必  
念斯民泉人愛公祠象一新願以嘉祐治平之霖雨沛  
然一洗千里旱暵之塵

韓魏公祠謝雨文

連月不雨靡神不宗禱而不應有請于公不數日間膏  
澤遂通龍神社鬼孰敢爭功願終其惠時和歲豐永俾  
邦人廟貌是崇

諸廟謝雨文

旱魃爲虐其誰之尤守臣失職惟神是求久而莫應牟  
麥不收得之桑榆有事西疇播厥百穀庶幾有秋繫神  
之德何敢不酬雨尚未足民猶有憂願終其惠毋作神  
羞

諸寺謝雨文

佛有因而佛有緣非誠莫之感動星好風而星好雨當  
春乃能發生守臣繇涼薄而致災大覺以慈悲而垂憫  
俯徇群情之禱沛爲千里之霖小麥青而大麥黃誰云  
不救低田流而高田水其必有秋已大慰雲霓之心何  
敢忘香火之報

謝蔡真人文

師帥非賢幾三時而不雨真仙是禱亘千里以爲霖勞



法駕之久臨慰群情之虔禱無德不報孰云香火之無  
功式遄其歸益覺烟霞之有耀

辭文宣王廟文

某以天子命來守是邦維朔暨望敬瞻德容考將再書  
治無可紀有負吾君亦負夫子茲又承命易郡丹卬道  
無南北何莫不由居敬之簡學道之愛雖曰不敏其何  
敢怠代者將至行矣有期靡神不告况我聖師眈眈儒  
宮濟濟冠履采藻而游酌泉而去

辭韓魏公祠文

某來守是邦幾二年矣而畧無治効惟復公之堂立公  
之祠庶幾小補於風教茲者易郡丹卬行有日矣敢不  
請違于像貌願以公之事君公之治民者是則是效且  
使泉人登其堂拜其像莫不起忠起孝

辭諸廟文

某來守是邦幾二年矣而治無述焉宜神之所不福也  
然千里之內無盜賊干戈疾疫之菑者豈非神之賜耶  
今易命丹卬行有日矣不敢不告

淵源堂上牌文

伏以黨有岸而家有塾幸逢教化之興伏其几而升其  
堂敢負淵源之學况剡溪蘊秀之地有汝南家訓之存  
誥誥子弟之趨庭疊疊父兄之樂教堂軒並建齋室宏  
開集群彥以論文館同襟而恢義富而能教事實可書



宋王忠文公集 卷之十七  
遂廣采於篇章用一新其標榜伏願上脾以後益須富  
學竚看輝聲襲謝客之風流猗蘭擢秀種竇家之陰德  
丹桂聯芳凡屬游從共增歡慶

醮詞

還醮

荷洪造之無私微生有托痛雙親之不見遺願猶存德  
思報於難忱情尤深於罔極輒殫悃仰叩高明竊念  
臣昔在先臣時爲大觀當年齡之及壯念嗣續之未生  
虔發精衷哀投大道諾列宿真官之醮繪九天仙使之  
容誠果達於杳冥應幾同於影響躬生三子目見諸孫  
嗟聖恩之未酬俄人事之已變先人奄棄母氏繼亡由  
微臣罪逆之深致先攷因循之久凡歲星之屢易猶心  
願之未償茲集羽流欽修醮式薄奉蘋蘩之薦聊伸豺  
獮之誠仰祈上帝之是臨俯冀衆真之咸集釋亡者九  
泉之累願遂超昇宥臣門百指之愆永資覆育

代道士薦師

稽顙投誠仰躡高明之聽剝肝瀝血俯陳哀痛之詞恭  
憑三界之妙香上徹九霄之仙路庶通悃悃曲賜憫憐  
伏念臣頃以先師遽捐浮世莫救已亡之命徒懷罔極  
之恩嗟日月之不居痛神魂之何在追念平生之出處  
恐貽造物之譴誅雖占籍爲羽流尚宅身於塵網粗殖  
膏腴之業妄爲金穀之謀寄口腹於羶葷有傷物命留



情性於麴蘖致喪天真不能辟穀於山林况復結廬於  
田里稔茲禍釁天爾年齡尚期一念之知不墮三塗之  
苦臣忝承道業夙荷慈恩無伸報謝之門薄示薦羞之  
意虔遵科式爰舉醮章仰祈大道之慈悲曲宥幽魂之  
罪戾借冷風而滌濯洒甘露以清涼聽大法而入寶珠  
歌洞章而朝金闕雖形骸朽腐生前無羽化之功庶神  
識逍遙死後遂仙遊之樂

代道士薦母

非天何戴久資覆育之恩無母烏生曷報劬勞之德仰  
黷蓋高之聽俯陳罔極之恩儻賜憫憐庶通悃愫伏念  
臣頃緣母氏偶遇厄年百藥不靈莫救沉疴之虐九霄

雖遠不違疾痛之呼輒懷請禱之私果獲更生之賜尚  
擬親年之永稍稽心諾之償屢易寒溫兼懷喜懼日月  
逝矣嗟桑陰之不留人壽幾何恨河清之難俟未遂蘋  
蘩之報俄興風樹之悲罪過所延噉號何及爰自重泉  
之隔遽驚百日之臨媿殘喘之尚存痛神魂之何在恭  
命羽士虔修醮科用酬昔日之鴻恩載助茲晨之哀薦  
冀資道蔭薄報母慈仰祈上帝之哀矜曲宥幽魂之罪  
戾渡仙橋而瞻玉像永脫九幽聽大法而入寶珠遐超  
三界

代萬叔夏孫先覺二首

居高聽邇不遺疾痛之呼施厚報輕薄致苾芬之薦輒



宋王忠文公集 卷之十一  
殫哀悃仰叩大鈞度憑三界之妙香上達九霄之雲路  
竊念臣頃以糟糠之仙適罹拆副之灾痛裂肺肝幾受  
蝮蛇之禍誤形夢寐竟非熊虺之祥事不止於驚姜罪  
深憂於訟鄺賴噉號之有應信蒼昊之非遙遂於困踣  
之餘輒沐保全之賜雖梵音數誦寃未息於三生而大  
道垂休經靡勞於八說顧蒙恩之有日思報本之無門  
恭致羽流虔修醮式奉蘋蘩之至潔獻螻蟻之微誠仰  
祈上帝之是臨俯冀百神之咸集恩施幽隱敢期七祖  
之飛昇福及賤微永庇百年之伉儷

大道難名孰識盈虛之有微臣有感默垂覆宥之仁輒  
殫悃幅之私仰躋高明之聽伏念人生以得男爲喜孝  
子以無後爲憂嗟冷族之不蕃痛私門之薄祜伯氏早  
亡而竟無嗣續微臣不肖而獨守宗祧爰從合姓而來  
深負傳家之念瓦已三弄孤纜一懸方居襁褓之中屢  
致憂危之患曾伸懇禱曲荷保全敢忘禳謝之修少答  
生成之賜恭憑羽士式舉醮科用陳螻蟻之誠肅奉蘋  
蘩之薦允賴洪鈞之庇永延孺子之年頭角有成箕裘  
不墜坐消餘孽毋煩命百藥之名克嗣先盟尚冀有二  
雛之慶

代周元授

非蘋蘩蕙藻之至潔雖君子不能薦神儻齋戒沐浴之  
或修卽惡人而可祀帝遙望九霄之雲路恭焚三界之



妙香願伸悃悞之私仰報穹隆之德伏念臣某有生匪直爲德最涼善不積以致殃動輒成於得咎世人欲殺陰幸其灾造物見憐屢赦其罪頃緣闔族咸遇厄年屬土木之頻興懼陰陽之有犯妄懷請禱果致蒙休逮蒲柳之旣衰覺門闌之多讐殘生薄祐薦遭橫逆之憂孀女來歸復染沉疴之虐幾縲綬之不免分溝壑之是填訴哀痛於杳微荷恩私於影響念呼天於前日數至于三思反本於此時心宜克一恭延羽士虔舉醮章寓禮意於庶羞達精誠於有昊百神咸集列宿來臨居高之聽甚明臣旣蒙恩於疇昔禍淫之理不昧臣當改過於將來

代萬叔永

疾痛倦極則呼天幸延殘喘齋戒沐浴以祀帝用酬大恩輒殫悃悞之私仰躋高明之聽伏念臣比緣暮景頻遇厄年病侵犬馬之軀殃及箕箒之妾雖肘後之方屢閱而竈中之藥不靈蒲柳非堅憂風霜之莫保糟糠至賤懼溝壑之是填窮故懷反本之心病斯有請禱之事自伸丹悃果荷洪休命咸獲於更生喜旋臻於勿藥不特脫負薪之慮又將舒就木之期顧茲感戴之誠敢怠苾芬之報恭臨仙宇光啟道場仰期上帝之是臨俯冀百神之咸集俾萬靈之蒙福願七祖之超生赦臣無窮之罪愆寬臣有限之日月洪惟有昊顧常居高而聽卑



宋王忠文公集 卷之十一  
庶使餘生尚可耕前而耘後

又代黃詞

肖茲形質旣蒙持載之恩禱爾神祇又荷生全之賜敢伸愚悃恭叩地靈伏念臣蒲柳之姿易凋桑榆之景多患頃與糟糠之偶咸罹屯蹇之災深疑獲戾於幽明將恐併命於朝夕心妄懷於請禱體咸脫於沉疴顧茲螻蟻之誠敢忘豺獺之報墮耕而登黍稷澗采以奉蘋蘩倘蒙后帝以見歆庶俾百神之不吐頭童齒豁尚貪須臾之生山高水長難報博厚之德

代劉仁叟

痛則呼天意不忘於反本病斯請禱情蓋迫於爲親輒殫悃悞之私仰黷高明之聽竊念臣某茲者伏緣父某齒當遲暮體臥沉疴屢費醫巫未去韓公之瘧徒勞祝史莫禳齊景之疴職雖勤於問安効未收於嘗藥深懼桑榆之暮遽凋蒲柳之姿靜念厥愆孰貽伊感豈私門之多釁故陰譴之莫逃或因此壠之營有辰陰陽之理塹山谷而下傷地脉冒刑禁而上犯天星積邪氣以奸和致衰年之在疚臣忝居子職忍視父憂退思請命於百神孰若祈哀於上帝恭憑羽士虔設醮科少伸螻蟻之誠薄致蘋蘩之薦仰祈洪造默覆湛恩赦臣門已往之愆賜臣父更生之命居高聽邇誠倘達於彼蒼禍散殃消喜佇看於勿藥



疏文

雙蓮潭請水疏

旱魃爲虐千里起望雲之心精誠所加匹夫有動天之  
道輒殫哀悃仰叩靈潭切以歲丁六甲之窮夏有四旬  
之旱嘉穀垂成而一旦俱槁蒼生失望而寸心欲焦曩  
憑三寶之威神遠詣雙蓮之靈宅求一勺于淵潭之內  
謁百神于廟貌之間雖旬浹之已踰曾禱祈之莫應其  
雨彌閣亢陽益驕豈斯民積慶之所招抑上帝至誠而  
難感人無爲命惟填壑之是憂龍亦何心乃在淵而勿  
救志未伸于一請理必至于再求伏願走雷霆于俄頃  
之間興雲霧于呼吸之際亟下霑然之澤坐消太甚之  
灾霖此稿苗尚有勃興之望救茲黔首免爲轉死之徒  
倘副微情敢忘大賜

祈雨疏

旱不自作端繇郡政之荒民亦何辜仰冀天心之閔月  
屬流火時逢亢陽百穀不得其生羣黎無以爲命咸切  
望霓之志輒殫請禱之誠閉諸陽而縱諸陰媿乏董生  
之術油然雲而沛然雨願興宋國之苗

謝雨疏

旱魃爲虐千里起望霓之心精誠所加匹夫有動天之  
道茲因七月之不雨仰祈三日之爲霖遂於俄爾之間  
忽下沛然之澤一洗煩暑勃興稿苗天自天而人自人



宋王忠文公集卷之十七  
理若難感暘曰暘而雨曰雨恩何可忘

明慶敎院請講疏

釋迦說法于祇樹一朝地闢天開智者起敎於台山千古風清月白自鶴林之寂滅暨佛壠之淒涼孰知覺路之歸罔識真心之在有資上德爲發微言共惟某人大講師脫迹儒門潛心釋典躬服名師之訓屢從哲匠之游大明止觀之淵源深悟法門之旨趣緇林駐錫聳頭角於東靈法座橫經振聲名于西掖久握元珠而自照願施甘露以旁霑况潛澗之道場實慧光之古刹念久虛于蓮席思大振于潮音光我家風還他作者翕爾群情咸快如披雲霧以觀天咄哉小子何知可笑蚍蜉之撼樹因道心之無我見慈德之有容幸副衆緣一佛

惠政橋施水疏

人惟惠政之懷度橋者有如歸市道多暍死之患得水者勝如挾焚剗隙地之數椽汲甘泉之萬斛有資好事共結善因分金溪不涸之流爲樂邑無窮之施利霑居室奚煩鑿井而得泉澤及路人不必望梅而止渴

館頭斃官路疏

樂邑江山素號東南之勝館頭驛道實爲來往之衝積水潦以傷隄致官私之病涉欲挾泥塗之辱輒興畚鍤之工有資橐金以伐山骨共植無窮之利寧計不貲之財將使溇不陷車遂無六十里之患庶幾斲弗爲谷何



宋王忠文公文集卷之十七  
止三千年之長

小小園覓花疏

伏以名利區區何足爲樂園林小小聊以自娛彭澤之  
徑方開草堂之花殊少廣求異品遍扣名園輒効柳州  
因談笑而爲故事無忘宣子願封植以比其棠

宋王忠文公文集第十七卷終

宋王忠文公文集第十八卷

知樂清縣事楚南後學唐傳鉉人岸重編

邑國學生林士賢廷臣校

祭文

寒食祭始祖文

昔我始祖西來自杭避地擇所山林遯光今二百年子  
孫寢昌善苟不積流何以長鬱葱佳城爰在此崗乃與  
夫人高下異藏耐葬纍纍喬木蒼蒼寒食拜掃禮修故  
常糾合宗族共酬一觴

祭始祖母文

昔我始祖來居左原夫人相之以有子孫歷載二百墳



墓尚存中間偶遺幾忘大恩訪而得之了非妄言乃與  
始祖高下異墳茲遇寒食翦荒薦藜庶使百世不忘本  
根

祭孫子尚文

編開封人紹興乙丑  
卒于會稽年三十二

嗟嗟子尚君亡矣夫千里風傳真乎僞乎謂果然耶君  
氣如長虹貌如明珠才如錦綉語如瓊琚體有四乳之  
奇目無再閱之書意造物者不偶然而生之必將富貴  
其形軀豈青春之方壯不覺一命而云殂謂果不然耶  
鄉人西還訃音不虛謂君初諧和鳳之鳴日更晦朔之  
餘死於鵬告賈生之月而地於勾踐之故都嗚呼悲乎  
吾平生道義之故人果爲異鄉之新鬼乎自聳訃兮十

日晝痛哭而夜歔歔豈無友朋知心已無白雪陽春歌  
誰和予流水高山琴誰聽予君歸不畱孰爲我徒長記  
與君從容聯席於金谿之日涕泣分袂於白沙之初付  
悲歡聚散於一夢閱十年如過隙之駒我菀繫於簫峰  
君萍飄于太湖渺天涯與海角歎影隻而形孤前年仲  
春書傳鯉魚謂將從伯氏于天台必命駕而尋吾念君  
不負于一諾固嘗辦雞黍而掃吾廬望車音兮杳杳鬱  
吾懷兮不舒豈千里之期不可審而行止有非人所能  
爲者歟吾亦謂二人齒髮未衰而後會必有豈知一別  
而死生殊途天乎痛哉天乎痛哉某罪逆殘生縲絏未  
除不獲效巨卿之執紼訪元伯之輜車明慶招提君嘗



寓居意神魂之或在奠紼束之生芻

祭姑丈季公佐文

嗚呼吾鄉老成日就凋零尚餘幾翁踈若晨星數點光  
芒旋覺微滅天不憖遺公又奄忽耆年舊德孰在鄉評  
紛紛後生無復典刑嗚呼哀哉仁者宜壽公壽未足六  
十四亡在化爲促善人有後公後必興佩詩服書蘭玉  
滿庭人皆謂公德如燕竇五桂未芳公弗及候我獨謂  
公死目可瞑含笑九原少遲子榮人或謂公死有遺恨  
仲婦且歸公弗及見我謂不然仲子最賢必全孝道以  
終三年嗚呼哀哉昔我先姑獲配君子云胡不淑壯年  
而死我從稚髮出入公門誨我撫我如姑尚存公今旣  
亡我寧不涕前人風味傷哉孰繼念公永歸無復還期  
公神在天思莫見之公魄在棺愛莫起之奠以永訣疇  
堪此悲

族人祭十四伯母文

嗟吾宗之薄祐兮綿七葉而未昌保先業而不墜兮猶  
不滿乎數房念伯父之在昔兮能勤儉以自將獲夫人  
以內助兮措生涯于小康家克成而莫享兮痛嗣續之  
早亡化門戶而爲異姓兮咎往慮之匪良鬼求食而卒  
餒兮嘆後祀之淒涼幸孤女之僅存兮歸體魄於故崗  
羅棺前而設拜兮酸子姪之腑腸悼吾宗之不幸兮抱  
無窮之痛傷



又代女婿

嗚呼生女不生男古人不幸而發此憂愁無聊之語也何吾先丈人之積善有夫人爲之配而亦罹此苦也先王制禮大宗無後必繼之以小宗之子也何後世之其心滅絕而莫知乎此也舉千金之產而畀之異姓此猶未足訛也忍使祖宗求食而餒同乎若敖之鬼也夫人腹生五女某幸娶其季也平昔登門曲荷恩私念圖報之無地也矧使拆其囊橐取其膏腴以爲已利也今焉曲盡送終之禮而不敢辭亦固其義也擗踴哭泣哀而送之者乃二孤女與吾僚婿也靈輿前邁道路感傷不見孝子慈孫爲夫人下涕也

祭毛叔度主簿文

嗟嗟叔度誰謂子乎死也哀哀蒼天禍何至于此也以子之聰明俊邁軒昂磊落固宜致遠大而躋顯仕也豈青春方盛一分官况遽爲新鬼也昔顏回生不遇時而短命賈生處非其地而傷生王楊盧駱之徒器識不足以遠到死固其理也子有回之善而時非東周有誼之才而地非長沙有王楊盧駱之文而器識過之奈何年亦不多乎顏賈而命僅同乎四子也而今而後吾知造物者之無情有才者之無命富貴壽夭多不在此而在彼也昔吾年未冠而子方志學黃卷同披短檠共照相期以古人相待以國士也童子彫虫我拙子工子果凌



雲我終不能繼風騷之靡也事業麟經我踈子明子果  
得泉我終不能探謹嚴之旨也招仙賦詩瀑水聯句子  
歌陽春我必和之以巴詞之鄙也我愚我褊動多忤物  
子慧而寬能容我失我嘗自目曰狂而命子以達子不  
以有餘者自多我嘗懷不及之媿也賢關行藝蘭省聲  
名子先着鞭我猶未能攀逸軌也邇年以來出處稍異  
我困羸糧子棲枳棘偶家難之各丁幸殘生之未滅方  
期握手以更弔誰謂訃音之驚耳也子有親喪在殯慈  
母在堂兒幼而孤婦少而孀意子目不及瞑而啣恨無  
已也然子讀古人之書達死生之理窮達壽夭等一夢  
耳假令彭聃其年伊呂其位大都不過數十寒暑亦無  
此身矣子固宜安其不幸從先大夫於蒿里也

又代周元授

嗚呼悲夫子胡爲乎而止于斯也人孰不爲子悲莫甚  
乎老人之私也我昔識子於年少期子之不凡知子之  
貴不疑也已有息女年猶未笄命執子之箕帚奉子沃  
盥之匱也子方蜚妙譽于賢關馳大名于省闈人爭貪  
於擇嚮子不慕于牽絲也一諾千金斷然不移子之風  
誼非古人其誰爲吾鄉不振賴子以光輝吾門薄祐賴  
子以扶持也婦翁女婿義同半子而我于子情實倍之  
也去歲仲春赴官丹朮吾嘗遣吾兒以隨也瓜期未半  
坐席未煖遽罹家艱而零丁以歸也人皆謂子年方少



宋王忠文公集卷之十一  
壯志方遠大佇俟祥後千里奮飛也豈期一疾奄然長逝而莫追也子病之革念欲見予而予不知也及扣門而子已絕心懷不見之恨涕有無從之揮也予髮種種予鬢星星死灰其心槁木其形今又失子生亦胡爲也吾嘗忍死畢子後事勉吾女以共姜之節勿奪其志庶無恨于柏舟之詩也子之孤始三歲俟其免水火脫襁褓教之育之會有成人時也亦有天地鬼神臨在上質在旁吾言不欺也

祭潘先生文

紈袴不餓儒冠誤身吁嗟先生乃爾遭迍何負于心何罪于人何命之不淑何天之不仁何才之豐而命之嗇何氣之壯而志之湮先生之文也浩乎如韓愈之無礙先生之才也飄然如謫仙之不群弄翰染墨也李義山之險怪絺章繪句也庾開府之清新蕭瑟乎東野之寒寂寞乎原憲之貧鬱鬱乎鄭廣文之坎軻栖栖乎杜陵老之酸辛北窗萬言曾不值一杯之水豈非命壓人頭蓋不許其伸也耶二十餘年淹徊海濱孰學道而不先生是師孰擇善而不先生是隣主盟吾鄉之絳帳作成吾黨之斯文紛紛後生頭角璘珣夫豈自賢非教曷因施厚報輕痛何可陳投老西行備嘗險勤小戰輒衄大期遽臻戲侮有抑蹙之鬼除禳無鬱壘之神酒杯多握手之文蓋棺無慟哭之賓幸有嗣之可託賴葭莩之懿



親某等摠衣最久辜恩最甚今日之奠已不及哀矣徒傷血淚之沾巾

祭陳景韶文

嗟嗟吾丈命止斯耶半世而亡云胡不嗟吾丈平生真人也可胡爲天年不少相假昔在妙齡父兄早亡惛然一身遂克肯堂生涯旣饒襟義彌篤指廩高風鄉人所服賓客過門歡笑迎逢賢如北海尊常不空酒杯流行詆諧談謔坐有陳公人誰不樂晚年風度比迹東山自謂醉翁不在酒間賤子區區曾獻裏曲紙上遺言猶蒙記錄嗚呼哀哉皎皎雙珠俊秀有餘人謂君家三世詩書指日有人振耀門閭公胡不畱以待安居嗚呼哀哉春秋方盛自知必死手書後事以貽厥子易簣之際了然可喜古之達人未必如此賤子不肖辱知最深疇昔登門曲荷開襟拜違經年忽奉訃音臨棺大慟涕泣能禁

祭孟丙文

嗟嗟孟丙吾幼兒也七歲而亡吁可悲也汝生而眉目分明神氣清秀骨有伏犀之奇也聲音琅琅語話了了而世事稍稍能知也吾與朋友講習二兄侍立而汝必隨也吾徒數十人汝類能識其姓第名字退而品藻之於其私也吾謂汝早慧如許他日必未易量豈意止于斯也吾之所飲恨者旣汝之病救女之遲也初亦謂汝



起止輕健豈數日之間遽至弗支也生于村落所恨苦者無妙藥良醫也致汝無辜由我之罪茹苦抱痛無窮時也當汝之死家禍方稔而仲兄之勢尤危也吾方惶驚怖不得盡下殤之禮以葬汝遠墳三匝以告汝情雖鍾而恩已虧也汝今死已百日矣汝母方獲視汝之墳而吾方獲祭汝以詞也汝昔在襁褓婆鍾愛汝今耐葬于側魂魄必有依也汝父母親戚朝夕哭泣以思汝夜常夢寐以見汝冀汝有再生之期也天地鬼神儻憫汝之橫夭釋我之罪愆使汝復爲吾子以慰莫景之思也汝或夤緣未斷魂識有知當隨父母以歸也

祭支夫人文

某稔聞夫人有勤儉起家之德享福壽康寧之福昔嘗過其門問恨無登堂之階邇來夤緣多幸獲預葭莩之末始登門於去年之春然是時夫人之次孫寢疾已革不敢伸候見之禮逮去年之夏來哭夫人之孫之喪始獲見於稠人之中然時方哀痛雖欲奉觴而不可得姑少遲之以俟他日今乃遽聞夫人之凶訃匍匐而來而夫人已蓋棺矣某以通家之故期歲之間足三及門一以問疾二以弔喪竟不獲少伸爲壽之願乃以一觴而奠訣人世如此吁可嘆哉

祭六姑文

嗟我先子同氣六人殘月孤星僅存者三白髮蒼顏姑



爲最尊不見祖考典刑常存念姑平生無憾可言爲婦而順爲母而仁享年而德享富而安婚姻早畢男女具全壽幾八齡目見重孫姑於五福亦庶幾焉某等闔門百指辱姑厚恩旣喪怙恃惟姑是親疇昔登堂歡笑滿顏撫我恤我如父母存姑今云亡我將疇依惟姑是思亦父母是思嗚呼哀哉

祭大姊文

哀哀父母有子六人姊最居長孝愛慈仁鞠育同氣其旨雙親以奉窀穸以畢婚姻姊力爲多曷報恩勤嗚呼哀哉于歸慶門奉姑與姒宜其室家亦旣有子男遽早世女繼而死淚落已盡哭猶未止病在膏肓竟成不起嗚呼哀哉某等早喪怙恃惟姊是依姊今云亡曷勝其悲姊有良人後事可屬二女有歸半子可託鍾愛幼兒如出其腹儻免水火祭祀有續地下從姑姊宜瞑目惟我同胞恩深義篤一觴奠訣血淚同沃

又代聞詩

聞詩天屬爲姪門闌爲婿蒙恩最深再以女妻登門之始夫人在疾藥物獲嘗顏色屢候尙期痊復歲月承顏云胡不幸緣淺福慳百日之間來往數四遽驚疾革愴惶來視口不能語手猶撫摩遺言不聞銜恨實多夫人於女最所鍾愛善視以報斯言不昧

祭張魏公文



惟公學造誠明才全文武忠孝根于天性節操貫乎歲  
寒社稷之功最高親曾取日君父之讐未復誓不共天  
二十年見斥權臣五百歲重逢聖主夷狄服汾陽威德  
兒童知司馬姓名意者天必相之嗟乎命何止此方渡  
江而擊楫遽樂聖以銜栝宣室興思蒼生望起雖曰閉  
門絕粒不忘憂國愛君中山功未及成讒謗之書盈篋  
武侯死有遺恨英雄之淚滿襟一老不遺百身莫贖某  
濫比假守驚聞訃音忍觀絕筆之銘媿阻臨棺之奠嗟  
吾道之窮已甚非斯人之慟而誰

重祭張魏公文

嗚呼蠻夷猾夏以和得志食肉者鄙力主和議萬口和  
附爭言五利曰國之福何惜土地甘心事讐不耻稱謂  
附和者用沮和者棄和猶未成邊已撤備既棄唐又  
棄海泗淮北生靈幾無噍類國既日蹙兵亦尋至公之  
勛德公之忠義公之人望群嘲聚詈公欲恢復指爲生  
事公欲禦戎斬爲兒戲公欲養兵詆爲妄費公欲進賢  
目爲朋比公得人心云有異意巧言如簧吁其可畏天  
眷雖隆不容在位汾陽兵柄奪于讒基度無顯公豈獨  
前智怒疽范增間走樂毅公存夷懼公死夷肆夷方陸  
梁國若旂贅上心焦勞當食而喟彼蒼者天胡不憇遺  
九原不作蒼生曷慰遙望衡山滂然隴淚

祭魯公文



士之處世患不逢時及其進用得君者誰逢時得君可  
究設施堂堂魯公國之元龜民之父母世之宗師歷事  
四朝始終無虧光相二帝盡忠不欺休休有容涯涘莫  
窺盛德大節人皆仰之寇馬飲江聞者四馳公獨屹然  
處以靜謐以身許國奚顧家室一鏃不施邊烽自息宗  
社以寧繫誰之力堯舜授受乾旋坤闢同列異議公獨  
忠赤功成而退罔有德色赤松與遊脫遺羈馮疆事未  
寧羽書方急上心焦勞起公于疾人望翕然如用君實  
折衝千里再安王室公欲有爲百未一遂彼蒼者天胡  
不憖遺變生俄頃仆于奏事震驚中外邦國殄瘁嗚呼  
哀哉某晚進不才誤辱公知官守有拘莫覩靈輜致奠  
遣僚寫心以詞爲天下慟豈曰其私

祭何提刑文

惟公學繼橫渠心傳無盡詞有根柢行有畦畛蜀道卿  
雲關中曾閱文章滿家卷軸連軫四朝耆舊多士標準  
不染腥羶寧避鷹隼流落九疑從蝦蛭蟻太上攬權材  
收杞筮公起自南玉出於韞使節屢馳大藩頻尹所臨  
有聲未究所蘊元老登朝首加薦引對揚宣室上嘉忠  
蓋誰乎沮之不班玉筍祥刑江左庶獄惟允我濫把麾  
情親迹近愛君憂國語必同憤擬學史魚諫諍而殞詩  
壇獲陪雕琢肝腎公將風騷我嚴鞬鞞波瀾何濶聲律  
殊謹筆陣縱橫詞鋒捷敏鉅鐘微撞邊幅慚窘韓拜孟



郊龐怯孫臏有瑕必指忠告無隱鉞板以傳託公不泯  
輶車行部疏獄發困王命有嚴何敢不黽送以短篇勸  
以良醞詩簡往來如白與稹修途倦遊歸約尤緊忽斷  
書問風傳疾疢訃音遽至道路驚愍聚散如夢榮枯同  
茵失此老成痛何能忍奠不撫棺有涕徒隕

祭戴履道文

嗚呼繁我與君生于溫江同郡異邑邂逅無從我守番  
陽君丞外邑聯事期年莫克會集君之文行著在鄉評  
及其居官益有美聲鄉人仕饒不過三四不見君子心  
焉孔痺惟是面目見于尺書亦有詩篇不鄙寄予四月  
之暮聞君在疾倉皇遣醫竟莫之救人孰無死君尤可  
悲九十之親誰侍以歸松楸故鄉道路悠遠歸君之喪  
何敢不勉我有官守往弔莫遑遣奠一觴潛然涕滂

祭賈府君文

嗚呼吾鄉之賈實爲慶門玉樹芝蘭多賢弟昆鄉校賢  
關藹然有聞曉月晨星于今幾存公之爲人重厚寡言  
有長者風薄俗可敦天厚其報富壽兩全亦既有子亦  
旣抱孫婚嫁已畢放懷曲園胡不百年遽歸九原某爰  
自幼學荷公厚恩公色素嚴爲我而溫妻以兄子遂成  
世婚遠宦夔門聞計莫奔馳萬里書奠以一樽

祭馮少卿文

嗟嗟員仲何至於斯天乎命乎尙忍言之抱濟世之才



宋王忠公全集卷之十一  
而才見忌懷許國之忠而以忠見疑誠足以泣三軍  
之衆而不弭浮言之誦節不變於臨大難之際而不免  
於鬼物之欺初爲賈生之逐卒抱屈原之悲嗟嗟員仲  
何至於斯天乎命乎尙忍言之庚辰道山才盛一時我  
游其間辱君厚知義均弟兄間言莫移憂時論事肝膽  
同披聖德有容雷霆霹靂威奏稿具存驗若著龜我旣去  
國君車亦馳三年之間暫合復離君佐戎幕身歷艱危  
我官柏臺自劾而歸聞君之罷有識嗟咨讒鋒方熾公  
論誰持我赴番易君書遠貽手墨未乾人事遽非驚聞  
計音哭之以詩君喪還普我來守夔官守有拘往弔無  
期遣問窳窳寫心以詞西首一慟非君而誰

祭周運使文

惟公西蜀之英秀發自幼擢桂禮闈蜚聲文囿學有根  
蒂行無瑕垢施于有政名實相副製錦分符霸遂恭茂  
帝念巴蜀民貧俗陋命公持節往安而富暨爾同僚講  
明利疚歲丁飢饉廩發糧糗羨餘不獻偃折是究民逋  
十萬悉蠲其舊預備凶荒廣糴以救舟車日通商賈咸  
輟錢雖不流德亦云厚馬運病民協力敷奏撫事興嘆  
憂國成瘦亦有知己行將結綬亦旣踐揚宜在左右天  
胡不仁遽奪其壽嗚呼哀哉某遙自東南一麾來守非  
仁是依曷免罪咎日陪談笑屢飲醇酎有唱斯和無疑  
不叩蓮方共賞菊約同嗅公忽微恙我頻來候藥物甚



宋王忠文公集 卷之十一  
良變故何驟堂登繡衣溘焉在樞死生常理如夜與晝  
公心了然寧校先後惟賢可惜欲見難又奠以一觴老  
淚盈袖嗚呼哀哉

祭杜殿院文

光堯神聖高邁千古任賢納諫同符神祖紹興辛巳親  
擢得杜曰卿忠直不畏強禦朕擇御史賢莫如汝往肅  
官邪以消外侮公如麟鳳善類是與公如獬廌邪佞是  
去如唐子方孤忠自許如趙鍊面風高憲府孰將而貪  
掙尅軍旅孰戚而橫攘敘編戶孰醫而幸官高貲鉅孰  
託宮市敢通北賈孰爲樞臣將命是拒孰爲民賊孰爲  
杜鼠皆罪之尤擢髮莫數汗我白簡宜卽刀斧言無不  
行中外鼓舞曰真御史曰堯舜主言責旣塞力求外補  
五馬來歸壯哉出處惠斂一州治最西土至今邦人咸  
曰杜母某往遊道山辱聯步武友得直諒誨聞規矩公  
遷柏臺我返衡宇尺書千里屢寄鱗羽如覲面目遙馳  
肺腑不見君子五隔寒暑歐蜀相望會合無所國亡直  
臣山失猛虎豈惟吾徒天下悽楚我來守夔棺未遑拊  
諸孤走書大事將舉佳城匪遙執紼伊祖遣奠一觴老  
淚如雨

祭令人文

嗚呼子歸我家今三十年逮事舅姑旣孝且賢我有弟  
妹未畢姻嬋子能慨然奮具悉捐我事筆硯半生迍邐



晚粗有成子之助焉婦人妬忌往往皆然子能有容尤人所難婦人於財見則垂涎子獨不貪橐無金鈿為娣育女喜兒讓官婚嫁粗畢不以財論每言仕宦清白為先俸祿之外勿取一錢身為命婦績紉是專勤儉之風鄉閭所傳我仕干朝頻年外遷同涉險難萬里言旋方還故鄉忽又得泉到官月餘老病相纏深為爾憂廢食與眠孰謂一朝舍我而先變生倉卒哀哉上天死生常理我固曉然痛不能忘子實可憐長子愛女不在眼前去無一語抱恨銜冤我今抗章乞骸歸田以爾喪還耐姑之阡子可無憾瞑目九原

祭張器先文

秀自妙發德由少成唾手鄉薦蜚英月評瀟洒宗之風流長卿壯遊上庠益馳令名選壓萬中賦高二京覃思稽古下帷授經史學最長詩律尤精暮景侵尋一第始登宜在館閣盍揚王庭天平命乎卒于一丞嗚呼哀哉我守泉南君官福清惠然肯來不寒前盟賓主俱病相視而驚醫藥是急酒杯莫傾猶有笑談以話交情別未踰月兩蒙寄聲報牘方遣訃音忽聆嗚呼哀哉四海之內孰非弟兄君有同僚後事是營暑雖孔熾喪不可停我有官守往弔莫能走賻遣奠聲吞涕零

祭萬先之文

嗟嗟先之厚德美才命止於斯天平痛哉必大之門誥



宋王忠文公集卷之十八  
誥蘭王子方妙齡已見頭角聲蜚槐市蔚爲上游蓋鹽  
十年一第始收遠官清湘師儒是職南方多士惟子是  
式紛紛輩行彈冠帝鄉子獨恬然不干廟堂得掾南昌  
需次家食胡爲一疾遂至於革上相知已諸公薦賢命  
在匪伊胡不少延慈親在堂壯婦在室兒女滿前百事  
未畢子可無憾有鴿在原後事可託如身之存散落人  
間光豔遺跡集而傳之敢任其責故鄉語別曾未踰年  
子死我病兩俱可憐凶訃南來孰不歎惜遣奠一觴老  
淚遙滴

祭王尚書文

惟公天賦厚德時稱吉人學爲君子之儒性得仁者之  
靜蘊婺溪之秀氣蚤折桂枝大京兆之家聲榮持荷橐  
以詞臣而爲岳牧嘗聽履而上星辰身居八座而德愈  
謙光治著六州而人懷惠愛奉真祠之香火養暮景之  
年齡民所具瞻行起三朝之舊天不憖遺遽驚一老之  
亡某昔以鯁生叨依蓮幕雖茂贊黃堂之畫然最蒙青  
眼之知假道東歸方飲楚元之醴酒分符南牧忽聞杜  
尹之訃音邦家興殄瘁之憂主上失注想之待走書千  
里致奠一觴難忘在耳之言徒隕銜恩之涕

祭潮州王尚書文

惟公性稟南方君子之強簸弄明月于潮之陽妙齡射  
策遇太上皇擢爲亞魁名震四方權臣用事明哲自將



宋王忠文公集 卷之十一  
潛心稽古得聖行藏於易春秋尤其所長帝初攬權思  
用忠良貳我成均儒林有光說書崇政屢上封章帝嘉  
其直人指曰狂出守東嘉奉祠故鄉主上龍飛召自南  
荒以長諫垣以肅周行正色立朝諤諤以昌筆端凜然  
不赦豺狼言如著龜去有芬香公雖在外上念不忘入  
司喉舌行登廟堂彼何人斯敢爲臧倉如毀日月於明  
曷傷身雖可屈腸不減剛歸老于家天相壽康名德益  
尊如曲江張如襄公余如呂南姜盍歸乎來弼諧贊襄  
天不憇遺哀哉遽亡某以諸生受知上庠竊第來歸禮  
遇異常公居諫省我濫臺綱人呼二龜亦曰兩王鼠豈  
虎偶蒞依玉笏把麾泉南稍近門墻敬雖獲修見則靡  
遑忽聞訃音痛摧肺腸譬彼大厦壞其棟梁如體無骨  
四肢曷疆爲國惜賢潛然涕滂

祭曹夢良文

嗚呼我與夢良三紀論交義則弟兄堅如漆膠君方妙  
齡卓然自立才雋氣豪人莫能及書生事業有短有長  
君如巧匠能圓能方李詩謝賦賈論晁策聲蜚廣場筆  
掃勅敵少從明師學有淵源推以教人典刑具存散爲  
篇章戲成駢儷一言之出高睨前輩肄業太學君居我  
先同登科名若相待然作掾嚴陵赫然而譽需次閩泮  
行將美赴我嘗以君名聞廟朝拭目以觀聳壑昂霄胡  
爲一疾遽然不起命壓人頭乃止於此嗚呼前年之冬



宋王忠文公集 卷之十一  
我赴泉南以書見招至于再三訪君許峰禮盛觴豆送我坡南珠玉滿袖滿擬歸來重登慶門孰知訃音中途遽聞孺人孀居婚嫁未畢族大義高必能周卹狀君文行撫君孤遺我或未死其何敢辭追念交游零落可痛我老君死云胡不慟

代祭宋彥才文

念吾鄉之耆舊所餘纔二三人嗟浮世之年齡自古稀七十者况善人相繼而淪沒俾後生亡得以依歸盡爾傷心潜然出涕惟公文傾士論德冠鄉評妙齡接步於青衿白首游心于黃卷殖千金之產治生不羨于陶朱而戲五綵之衣色養未多于萊子優游窗几組繪篇章

有員外之遺風恨錦袍之不奪繼廣平之餘韻賦梅花而甚工讀方外書有文選學惟以一經而教子不求五斗以折腰尚期羔雁之招幾在桑榆之晚豈意海漚之遽滅堪嘆朝露之易晞過眼百年轉頭一夢某居聯桑梓世續葭莩蚤從蘭玉之游曾快雲天之覩家聲不振媿同北阮之貧人品甚微謬辱東牀之選拜門闌之未幾俄簪履之遽違徒然肝膽之摧莫遂岵山之報撫棺有覩掩袂何追聊伸半子之恩薄致一觴之奠

又

嗚呼人生百年兮長短幾何吾鄉故老兮零落無多月落天池兮夢斷南柯丈人一往兮迅若飛梭明朝埋玉



宋王忠文公集 卷之十一  
今湖山之阿月魄冰魂兮誰共吟哦輻車屈道兮薤露  
典歌臨棺奠別兮涕泗滂沱

代諸生祭周仲翔母文

嗚呼孟母不生三遷教孺婦人義方麟踈鳳稀伊昔汝  
南家聲尚微刀筆是傳詩書罔知夫人登堂潛獻默歎  
曰我有子非儒曷歸仲子妙齡秀目踈眉喜謂良人茲  
迺佳兒罄我橐金給爾師資手調熊膽志在荷衣皎皎  
明珠長浪益奇業勤藝死心探聖涯高視雲霄平步可  
期前日賢關小敵偶遺千里言旋慈顏不怡謂胡弗雷  
再戰秋闈去雖倚門歸欲斷機賢哉夫人前烈可幾雅  
志未酬浮生遽違蓋棺不瞑有識興悲嗚呼哀哉某等  
忝交蘭玉屢拜賓輝賢非房杜濫對酒卮尚期他日一  
鶚高蜚鯨吸賀樽歡動庭闈孰謂一朝人事咸非隻雞  
斗酒泣奠靈帷嗚呼哀哉男子剛腸不妄涕洟今日潛  
然爲賢母揮

代諸生祭陳元佐父文

嗚呼十載之前吾邑父兄汨于流俗聞見弗明詔厥子  
弟惟利是營惟刀筆是傳惟儒冠是憎雖有良能莫克  
自興孰先義方孰始過庭樂善惟公教子以經矯矯家  
督早蜚俊聲茲千里西征惟公命是承豈私是名實惟  
親是榮凱奏未旋禍變忽嬰忍哉蒼天慘莫之勝所孤  
者不啻天地之重所圖者僅比毫髮之輕是詩書教子



反貽公之恨而桑弧蓬矢之志足以明孝子之痛懲嗚呼哀哉某等辱蘭玉之與游獲誨言之屢聽痛斯辰之蓋棺想銜恨而弗瞑奠一觴而永訣故血淚其如傾

代祭季夫人

近世以來人益天促吾鄉數月頻着弔服老而逝者壽罕及於稀年少者胡爲名亦書于鬼錄惟今日之弔夫人乃堯舜盛時之哭蓋夫人之壽幾九齡有內外重孫之滿目且富而康庶幾五福此固吾鄉近世之所無而夫人之所獨某母黨之親也惟夫人爲最尊而某之不肖也又聯姻於華族施及兒輩葢孳相續三世婚姻恩重義復冀慈顏之長在庶壽觴之頻屬胡今日之登堂奠生芻之一束如夫人之一死兮顧無可憾而親戚之心雖聃彭猶未足

代諸生祭周仲翔父文

嗚呼人孰無生生而不淑有媿于生亦孰不死死非正命有媿于死惟靈生爲善人死于牖下是生死之間兩無所媿也然靈脫然于習俗之中慨然破黃金之籛諄諄然有意于教子也矯矯令嗣天姿秀偉力學而工文自修而近厚亦一鄉之善士也奈何鼓篋賢關較藝秋闈未遂厥志而靈不能忍死數年以待三釜之養此某等所以爲靈興恨于此也

代人祭族弟文



嗟吾宗之薄祐兮如吾弟其無多方妙齡兮確有志于  
琢磨將興家以詩書兮變習俗而並軻苟歲月之少留  
兮持此心而匪他庶頭角之成就兮奚蒼穹之足摩云  
胡命之不淑兮遽不起乎沉疴凋朱顏于鼎盛兮脫綠  
葉于庭柯驚好夢于須臾兮委青春于逝波嗚呼雙親  
在堂兮鬢髮皤孤兒孀婦兮奈若何凜霜風于玄朔兮  
埋爾骨于山阿酬一觴而永訣兮覺老淚之滂沱

代祭萬夫人文

嗚呼婦人五福世罕有也天畀夫人獨何厚也東平先  
生以絃誦先吾鄉以節行高一時賢士大夫爭求見之  
而夫人實爲其婦也扶風府君溫厚儒雅至今鄉里稱  
爲長者而夫人實爲其偶也蚌腹生珠藍田出玉一門  
四味如唐之穆夫人有子實昌厥後也禁鬱奇才東牀  
佳士喜入門闌如唐之李夫人有女實獲鸞友也履柔  
順于一身達孝慈于六親夫人之德固無咎也闕閱冠  
乎鄉閭齒髮逮乎稀年夫人富壽固兼受也湖山之南  
佳城鬱葱夫人之藏當不朽也某叅葭葦之末欽聞懿  
德亦云久也今夕何夕奉茲窀穸登堂灑涕酬斯酒也

代祭何升老文

惟公名久聯于仕籍出處可書行素著于鄉評始終無  
玷門闈鼎盛蘭玉兼榮方期壽杖之迎遽棄板輿之養  
不遺一老莫贖百身某早緣桑梓之私重結葭葦之好



宋王忠文公集卷之十一  
徒深感德未遂承顏况遼阻于江山每濶踈于音問忽  
聞凶訃俄喪吉人已嗟七日之非薄致一觴之奠慈容  
莫覩老淚徒揮

代祭宋元明文

嗟嗟元明君死已乎然歟否也謂果然耶君風貌堂堂  
世事了了以幹蠱克家而門庭昌阜何天與之才智而  
留其年壽也謂不然也吾入君之門胡不見其歡然而  
迎登君之堂胡不聞其笑語之聲七尺之軀乃塊然而  
在柩也嗚呼君果死矣吾鄉黨親戚中堂堂了了如君  
者不多有也君之父乃吾之舅吾之母乃君之姑而吾  
同氣之姊妹又爲君之偶也吾與君再世通家游從最  
久情好綢繆尚相期以白首也君強健如許而溘先朝  
露况吾蒲柳之姿又安能保其悠久也吾來撫君之棺  
弔君之母與吾之妹哀君之諸孤涕無從而奠以一卮  
之酒也

代祭萬叔永文

嗟嗟吾公德尊一鄉宗族協和門闌阜康六子趨庭一  
桂先芳豈惟一門鄉閭之光賀客在廬弔客倚墻哀哉  
吾公命胡不長家君與公情好相忘婚姻世修如謝與  
王一二年來游宦遠方恨不親臨元伯之喪家書有命  
遣酬一觴

代祭余夫人文



宋王忠文公文集卷之十八  
惟靈節著孀居興共姜守義之誓志在宗祀有叔姬歸  
國之風生涯獨盛于慶門智巧反踰于男子恩尤深于  
婢獲庇潛及于孤遺於家曰能在婦爲哲早歲克勤于  
負子莫年方慶于抱孫孰知驚悸之間遂至沉疴之甚  
一疾不救六旬遽終某等忝通孔李之家兼修魯衛之  
好雅欽婦德夙荷眷私華屋重來未改堂萱之綠玉容  
不見但聞風樹之悲觴豆薄陳涕泗交隕

宋王忠文公文集第十八卷終

宋王忠文公文集第十九卷

知樂清縣事楚南後學唐傳銓人岸重編

邑後學廩生周光璘儒冕校

書啟

上太守李端明書

某嘗讀前史竊知李氏爲天下甲門世生大賢角立傑  
出皆天人也自昔周柱下史先天地而生指木爲姓博  
古知今而道德爲吾聖人之師東都太尉稟元精之氣  
正色在列殺身成仁而節義爲人臣之冠唐翰林應長  
庚之夢世號謫仙人立馬萬言而文章爲天下之法孰  
謂其非天人耶其間又有以聲名自高而天下有被其



收接者如登龍門隱居求志而天下望其出仕者如觀  
景星至若出秉旄鉞如臨淮之元勳入總台衡如衛公  
之風采者皆卓然爲一代之名臣中興之賢佐其風流  
餘韻足以起萬世之聳慕某故曰李氏天下之甲門而  
數公者真天人也迨我國朝二百年間宗工鉅儒背項  
相望而李氏之門最號得人有若文靖公在咸平景德  
間公忠直亮深慮遠識嘗戒王文正公與北狄和親之  
議斷然有先見之明天下至今稱爲賢相有若文定公  
在天禧乾興間慷慨立朝義形於色嘗伸救寇萊公之  
禍以手版擊姦邪天下至今目爲正人有若紫薇舍人  
在熙寧間居代言之任力持風裁雖貶黜而氣不撓與  
蘓宋齊名天下至今有三舍人之號有若大丞相在政  
和間危言讜論聳動四方及重華受禪之際垂紳正笏  
不動聲氣而大議決天下至今賴爲社稷臣而蒼生猶  
冀其復起有若尚書公當靖康之難得主辱臣死之義  
力抗腥膻碎首裂額而憤罵不絕英烈言言與赫日秋  
霜爭嚴艱難以來一人而已天下至今稱爲烈丈夫而  
知與不知莫不爲之流涕仰惟明公以英偉之才剛方  
之氣挺生華裔爲當世羽儀被遇三朝終始一節邇者  
上方興衰撥亂任賢使能日不暇給起明公於遺逸中  
付以喉舌之任公卿大夫相與賀於朝韋帶布衣相與  
賀於下咸謂明公體道德如柱下史尚節義如漢太尉



工文章如唐翰林立天子前披陳利害論列可否在廷  
竦慄明公之諫諍固不在諫議勃之後也屢典名藩皆  
著聲績姦賊望風解綬而去明公之威聲固不在河南  
尹之下也至如臨淮衛公之勳烈文靖文定之事業皆  
明公之所優爲者詩人誦召虎曰惟其有之是以似之  
然則明公豈非所謂天人者耶然朝廷方視明公之出  
處以爲安危之繫天下方視明公之進退以爲治亂之  
分夷狄問明公之安否而爲之叛服姦邪伺明公之行  
藏而爲之喜懼輿議皆謂明公匪朝伊夕正台鼎之司  
慰蒼生之望中興之功指日可期今廼力辭柄任出牧  
侯藩雖一方得卧治之賢而天下鬱具瞻之望竊料明  
公固難久屈於此也某蓬華一賤生爾自總角聞先生  
長者稱頌明公盛德偉望殆非一日第恨生居遐陬自  
處卑賤邈無進見之階今幸明公父母吾桑梓之邦適  
符夙昔景慕企仰之誠比者千騎入境道由僻邑而某  
遂得與田夫野老犇走爭先瞻望於車塵馬足間已足  
少償素願矣然未獲進拜黃堂親承罄咳之餘少窺大  
人君子之高致不日明公入秉洪鈞則某於此時當抱  
無窮之恨矣是以不介於人不謀於龜朝齋而裁書莫  
沐而修刺曳裾麾戟冀一瞻芝宇退當誇大自謂今日  
得見天人也

陞補上舍謝宰相啟



業肆賢關濫預千人之列名叨舍選媿居群彥之先嗟  
小人得福以非常痛私門鍾釁之何亟有稽伸謝徒切  
銜恩竊以興庠序於不遑暇給之秋見聖賢相與致太  
平之業惟有道主能散馬牛而包干戈非大仁人孰明  
俎豆而闢軍旅洪惟上聖篤任真儒不求矢石之功專  
務衣裳之化矢其文德雖灑灑爾噩噩爾之書無以加  
烝我時髦豈濟濟乎洋洋乎之世所能及自槐市之載  
建紛銀袍而還來仰追唐虞之盛時祖述熙豐之故事  
謂科甲取士於一時也非所以造士而舍法作人於平  
日也斯足以得人必將試之以積累之勤故可期之以  
遠大之地非得行藝兩全之美曷副君相旁求之誠選  
既至艱得宜無濫如某者受才猥瑣賦命窮奇齒才及  
壯而遽失所天仕豈欲干而蓋緣有母輒施鼠技妄習  
麟經徒專記問之工莫識謹嚴之旨不束高閣兼取左  
也明公羊高穀梁赤之長未得美泉姑爲啖先生趙夫  
子陸文通之鑿辭親故里鼓篋上庠幸厠迹於衰衣獲  
執經於絳帳半世僅一名之得壯心早衰匹夫獲千金  
之資大禍俄及未副倚門之望遽罹枕塊之憂三釜之  
志既孤五鼎之心何有念孝子爲親而求祿自傷無祿  
以及親思忠臣致主以忘身或可以身而事主退惟疇  
昔之僥冒實由在上之作成茲蓋伏遇某官命世大才  
迪民先覺躬阿衡惟一之德爲成湯自得之師靖康之



節人所難紹興之政古未有旣以其身致中興之烈又將與國貽有永之謀廣闢成均兼收士類傳吾道於孟軻之後率天下爲仲尼之徒二尺短檠猶念儒生之日萬間廣廈俱懼多士之顏遂致繆庸亦蒙教育某敢不益修操履力探淵源入大匠之準繩資哲人之鼓鑄儻離場屋粗有進身之階仰戴陶鈞莫知報德之所

謝王大博佐

某官挺天賦之才富家傳之學短檠三載俯輩諸生丹墀萬言巍冠多士榮處師儒之任蔚爲庠序之光應列宿於星躔閱異書於芸省旣作鷓鴣之化尤憐燕雀之卑顧叨冒之曷因由吹噓之有素某敢不勉精術業益勵猷爲磨鉛鈍以爲銛策蹇駑而晞驥雖場屋未脫久甘太學之藿菹儻心印可傳願受宗盟之衣鉢

代謝同文館解啟

束書千里不嘗太學之藿菹戰藝三場偶綴同文之龍虎齒髮類賈生之少姓名居杜牧之先揣分何堪撫心知媿竊以學者幸朝廷之偃武吾皇欲天下之同書思祖宗名館之因廣華夏得人之路收拾賢關之遺士網羅聖代之棄才爲選最艱薦名無幾方歎蓬瀛之難到豈知樛櫟之兼收如某者海角鰕生葦門賤士業乏箕裘之素家無詩禮之傳七歲知書賴有擇隣之慈母三冬務學屢求解惑之賢師技專習於雕蟲志必期於中



宋王忠文公集 卷之十九  
三  
鵠偶遇詔音之下復更科舉之條雖章句宿儒亦習凌  
雲之賦縱風騷大手必通拾芥之經驚鼠技之已窮取  
麟書而謾習欲慕武崔之馳辯不容游夏之措辭益加  
記誦之功稍悟謹嚴之旨董仲舒潛心大業粗明一王  
玉川子獨抱遺經欲束三傳辭親梓里鼓篋帝都深期  
厠迹於何蕃庶獲授經於韓愈操矛入室對多士而氣  
驕血指汗顏望成均而膽落戰之罪也心實恥之雖出  
門無嚙臂之盟然題柱有還鄉之誓抱玉效卞和之泣  
焚舟起明視之慙一鼓作而再鼓衰人疑必敗小敵怯  
而大敵勇天使其成不煩三獻之勞輒幸一名之預恩  
踰望外喜溢顏間伏遇某官炎漢相門括蒼名族馳所  
至有聲之譽蘊無施不可之才出爲五馬之貴侯來繼  
三賢之高躅夢草起謝公之興吹笙尋子晉之游民歌  
愷悌之風士被作成之賜遂致青衿之小子稍知黃卷  
之古人仰荷陶鎔偶膺薦擢某敢不勉修事業早赴功  
名收一第於少年慰雙親於未老報天子恢儒之德酬  
使君在泮之恩嗅梅藥於江頭早知春信折桂枝於月  
窟行帶天香

代謝鄉解啟

棘闈戰藝英髦多闕里之徒貢籍標名寒賤綴十商之  
列濫中披沙之選深懷負刺之慙竊以朝廷當投戈講  
藝之秋聖主起側席求賢之念專尚詩書之技不求鞍



宋王忠文公集卷之十九  
馬之功羽干服蠻貊之邦俎豆壓腥膻之氣賢關新闢  
洋洋乎東漢之風鄉飲盛行易易也成周之化既廣育  
才之路載更取士之科風騷如屈宋者不廢明經儒雅  
若寬弘者亦兼用賦得凜凜大奇之士有多多益辯之  
才無一不長所施皆可斯足副有司之舉庶能爲盛世  
之光如某者白屋寒生青衿小子夙被父兄之訓獲從  
師友之游期頭角之稍疎望箕裘之必大欣遇聖世在  
賈生未冠之年欲充國賓無杜甫如神之筆識陋井中  
之小文窺管內之班謾同孔鯉之趨庭屢作曾參之避  
席坐閱三歲未通一經周誥商盤方苦聱牙之難讀李  
詩謝賦尤慙篆刻之未工偶逢科詔之頒妄起賢書之  
應深慮畫圖之類狗何期誤墨之成蠅况東嘉號多士  
之躔而樂成居濱海之邑由舍法之一罷更科場之七  
開寂無中選之錢咸作退飛之鷁士氣若死灰之冷江  
鄉類窮谷之寒人指儒冠恣成戲劇路逢鬼物剛被擲  
撇誰知拜賜之孤軍俄有定從之下客三千人大敵之  
勇曾何敢當二十年敗北之羞粗能一雪望不及此得  
之若驚茲蓋伏遇某官黼黻斯文權衡吾道一舉而得  
垂天之翼兼收而取敗鼓之皮遂俾繆庸亦膺選擢某  
敢不勉修操履益叩淵源探皇極之猷爲造中庸之門  
戶舒牋點翰尚期一第之可收聳壑昂霄庶及雙親之  
未老上酬聖造下答已知



宋王忠文公集卷之十九  
代曾尉上陳安撫

太山北斗十年懷景仰之勤白日青天一旦快清明之  
覩實自夤緣之幸靡由媒介之先行遂見趨預深雀躍  
恭惟某官學師孔孟才亞卿雲風流號當世無雙聲望  
居縉紳第一日光玉潔文章騰萬丈之輝鳳翥龍蟠翰  
墨掃千軍之敵早收魏第榮歷顯途赤心備竭於三朝  
白首克全於一節薦更中外並著恩威將命外臺茂荆  
潭之治績分符重鎮藹吳越之休聲何所至之有聞益  
無施而不可咸望有爲於今日自期無媿於古人方馳  
赫赫之聲俄起營營之謗唐室賴宣公之議克濟艱難  
漢庭忌賈誼之才遽罹譴責輿議咸稱其屈士流尤爲

不平稍息人言卒回天聽脫風濤於異域尋松菊於故  
園職姑領於真祠官未還於舊物優游里巷頤養年齡  
門多長者之車座有賢人之榻量包海嶽撓不濁而澄  
不清節貫冰霜窮益堅而老益壯然當宁方興衰而撥  
亂豈舊臣可置散以投閑矧鼎席之尚虛想宸襟之素  
注必起渭濱之大老式慰海隅之蒼生宰相以鎮撫四  
夷况我有種丈夫當掃除天下非公其誰無憚趣裝行  
膺賜召如某者箕裘冷族蓬華寒生恐不墜於家聲謾  
力勤於學業始由經術而獲選終用詞章而決科名再  
上於賢書計始偕於吏部備員海邑雅懷慕藺之誠易  
尉僭邦遂有依劉之幸自慚樗散實賴帡幪欲脩吾道



以致君盍就大人而正已去先聖之既遠非通儒其孰  
歸點也何如方起舞雩之詠參乎不敏預懷避席之慙  
仰祈先達之見知庶俾後生之有賴望塵伊邇頌德尤  
勤執贄賓庭行當盡門弟子之禮投緘記室先展事賢  
大夫之誠

代曾尉答交代

備員小邑考未一書承命大賢任俄兩易仰歎高風之  
難繼俯驚瑣質之何堪敢憚驅馳第從鞭策恭惟某官  
家傳忠義天賦材猷門地崇高早聯姻於卿相仕塗初  
筮聊隱迹於江山宣北部之餘威繼南昌之雅韻精神  
不動曹務自清朱轡皂蓋乃賢主人黃門紫樞有真知

已雖曲從於引避甯又致於淹徊固宜縮爵於天朝何  
致易官於海嶠舍鶴溪之舊治尋雁蕩之勝游白面紅  
顏姑作神仙之隱金章紫綬竚期臺閣之榮士論素期  
輿情共祝如某者箕裘冷族筆硯寒生二十年勞苦而  
末第始登數百里崎嶇而小官初效去何速也期不待  
於及瓜行或使之坐甯容於煖席猶喜不才之質獲承  
旣治之餘自西徂東而何敢憚勞以此易彼則固已多  
幸方圖趨拜遽辱緘封究觀禮意之勤益佩恩私之厚  
仰攀懿躅顧續貂之媿雖多遐想高標而覩鳳之心已  
快

及第謝宰相啟



地借玉堦恭上萬言之對名登虎榜濫居千佛之先揣分踰涯撫躬知愧竊以奏言試功者堯舜遺意臨軒取士者祖宗令規一新熙甯之科備見神廟之志謂三題不足發予大夫平日之蘊蓄而群策可以陳我國家時政之闕遺著爲永彝以幸多士夫何首當時之選者無切直之論遂使擬進士之對者有阿諛之譏旣波蕩以相承致源流之寢失近代尤甚澆風益滋大臣多忌而動有嫌疑學者懷憤而莫伸梗概物極必變道開始公申嚴密之禁而務在令行防壅蔽之害而悉關聖覽求忠讜則丁甯有詔第高下則寵褒有辭旣當清明不諱之朝宜得瑰偉非凡之士如某草茅賤子庠序鯁生由行藝以進升厠英髦而旅試俯慚俗學策無可取之二三仰懼天威事去欲陳之五六念交淺言深猶或不可非主聖臣賢其能有容龍匪怒其攫鱗龜偶居於前列上自親擢受知不減於孫弘言畧施行悟意有踰於賈誼靜惟僥冒抑有夤緣茲蓋伏遇僕射相公以道事君無私應物蚤羽儀於法從茂著忠嘉今掌握於化鈞亟圖康濟披露封章之請益開宸聽之聰獎勵進言得裴宏中之大體深銜譏政戒李吉甫之褊心蓋將植太平之基豈獨爲諸生之賜某敢不益堅儒業恪守官箴勉來事之可爲慕古人而有作不負天子惟殫精白之心願爲良臣冀奉周旋之誨過此以往未知所裁



謝張叅政

綱

某官厚德鎮浮宏材拔萃爲一時之耆彥聳白辟之表  
儀明以保身揖高風於赤松子任而共政繼前列於曲  
江公欲振起斯文於委靡之餘遂將順其美於聽納之  
際

陳樞密

誠之

某官稟純粹清明之姿富博洽宏深之學茂明大對擢  
桂林之一枝踐歷要途搏鵬程之萬里夙膺宸眷進握  
兵權材兼文武而夷夏聳觀榮冠古今而縉紳景慕惟  
昔漸陽公之德化竊嘗聞夫子之文章方慚不肖其範  
模何意克傳其衣鉢

楊侍郎

椿

某官學極群書文優四傑纒纒議論有眉山先生之流  
風籍籍聲稱繼關西夫子之遺懿允矣儒林之冠宜乎  
從橐之班承師槐市而旣被作成奏對楓宸而復膺推  
獎

李侍郎

琳

某官模楷士流羽儀朝著分符便郡循良遠過於龔黃  
持橐從班儒雅同稱於班馬比膺詔綍親職文衡革委  
靡而振士風進忠讜以當上意

賀侍郎

允中

某官爲世儒宗握時文柄寘杜牧於高第本崔郾之公



心號李白為謫仙見季真之雅識為盛代而開公道贊  
吾君而求直言遂致繆庸首膺選擢

劉侍郎 才邵

某官學校舊人文章大手仁為已任典刑備著於老成  
道與時行德業兼全其久大峻班行於筆橐演誥命於  
絲綸主張斯文提撕後進

王侍郎 侯

某官朝著老成士林碩望蚤被知於宸扆久更踐於禁  
途出鎮侯藩藹黃霸循良之譽入司國計得劉晏取予  
之宜欲振起斯文於委靡之餘故將順其美於聽納之  
際

陳侍郎 康伯

某官器粹珪璋學深淵海蚤著士林之望亟膺宸眷之  
知高玉山恬養之風久淹家食復紫橐清華之舊超冠  
天官欲振起斯文於委靡之餘故將順其美於聽納之  
際

張侍郎

某官學海淵深量陂宏大蚤著士林之望久膺宸眷之  
知居務論思豈獨得臯陶之理發明仁恕蓋能紹廷尉  
之平欲振起斯文於委靡之餘故將順其美於聽納之  
際

王舍人 綸



某官心醉六經名先四傑詞章典雅有漢朝制誥之風  
衡鑑精明繼宣公考校之盛振起吾道主張斯文遂令  
舉首之榮濫屬宗盟之末

趙舍人 達

某官挺秀坤維結知天眷策名龍首茂騰四海之英聲  
執筆螭頭益厚一人之寵遇振起吾道主張斯文遂令  
射策之謏聞輒繼傳衣之盛事

周舍人 麟之

某官巍擢異科薦更要職黼黻河漢詞章不減卿雲羽  
儀天朝人物有如晉宋振起吾道主張斯文遂令蕞爾  
之才輒玷哀然之舉

孫少卿 道夫

某官挺秀岷峨騰英庠序挾黼黻之文於方冊藹袴襦  
之詠於蕃宣瑣闥來歸快郎星之先覩中臺進擢仰卿  
月之清輝比掌文衡親承御札哲鑑獨高於衆目狂言  
特薦於匹夫幸出自天恩歸無地

周侍郎 方崇

某官剛毅不回精忠自守雍容禁近造鵷鷺而接夔龍  
排擊姦邪若鷹鷂之逐鳥雀比膺詔綍親職文衡猥收  
狂率之言上副聖明之旨

王殿院 珪

某官受氣剛方立朝挺正位升橫榻益揚蹇諤之風望



宋王忠文公集卷之十九  
著中臺克盡糾繩之職力主張於公道務振起於斯文  
遂致安庸叨膺選擢

凌司諫

哲

某官勁特不回端方自守直言中病有王魏善諫之風  
奏橐屨焚無管晏暴君之失力主張於吾道務振起於  
斯文遂致繆庸誤膺選擢

王郎中

剛中

某官問學淵深氣節洪毅楓宸射策名差亞於龍頭蘭  
省懷香望獨高於鵷序惟文柄之有屬體上心之欲求  
揭以平衡志不回於馮宿借之褒袞言有取於劉蕡遂  
令舉首之榮濫被宗盟之末

孟郡王

某官器粹瓊璠慶傳珪組襲亞聖大才之儒雅光隆祐  
奕世之德勳政邁龔黃作股肱於藩郡望高陰馬資肺  
腑於懿親方詔復蓬萊之遊俄榮拜瀛洲之長有光吾  
道將振斯文遂令猥瑣之流首被甄收之列

與紹興趙殿

撰令詠

假道治封會快瞻於趙日効官幕府遂託芘於蘓天鳧  
趨有期雀躍良甚恭惟某官宗盟擢秀桂籍揚芬蘊無  
施不可之才著所至有聲之績儒雅昭同於歆向德名  
無媿於平將命外臺威動南閩之山嶽分符巨鎮謠  
興東越之袴襦矧茲會計之邦實號蓬萊之地俯臨禹



宋王忠文公集卷之十一  
迹仰切堯階爲二湖之雄藩總七州之生齒旣近而大有如此非親且賢其孰宜坐收作牧之功克壯維城之勢治優方面姑爲分陝之名公心在朝廷行作相周之衛武某東嘉白屋太學鯁生慙無董相之文偶擢平津之第向來披霧識金枝玉葉之標此日望塵與綠水紅蓮之客材自慚於樗櫟賜端賴於帡幪尚期國士之知庶免簡書之責窮禹穴稽山之勝竊效馬遷賦鑑湖秦望之奇願陪元禎

與邵提刑

慎水望塵幸識紫芝之眉宇稽山効職願登元禮之門墻行遂鳧超預深雀躍恭惟某官道備德美材通器闕職更中外而所至有聲節著險夷而無入不得方天子重外臺之寄以星郎總列郡之權幹山海之藏劉晏明於取予聽獄訟之會不疑多所平反已觀報政之成矧復去天之近文帝受釐宣室久有所思望之雅意本朝甯勞于外如某者簫臺末裔槐市鯁生慙無董相之文偶擢平津之第紅蓮綠水方期遠宦於秦准手版青衫茲幸近遊於禹會昔快披雲之願今諧執御之私從政未優何止受東諸侯之約束資身無策更當借部使者之吹噓

答蕭山宋知縣敷

厠迹縉紳稔服箕裘之譽効官藩府偶同州縣之勞雲



披未諧山仰彌甚某官中朝大族當代偉人世著才名  
喜景文之有後業傳清白得廣平之遺風暫淹萬里之  
鵬程聊試一邦之牛刃下車未久製錦已優願勤撫字  
之心益著循良之治坐見鳴琴之化無愧魯恭行膺褒  
德之封有同卓茂

答岷縣丞

窮居慎水未遂識韓易任稽山行將訪戴某官人材瑰  
異吏事優長暫淹千里之騰驤來贊一同之教化况剡  
谿蘊秀之地貳令爲難以博陵種學之賢負丞何有不  
待報政行膺美除

答上虞陳縣尉

肄業賢關共十載壘垣之苦効官藩府分一時州縣之  
勞結同舍之金蘭對尺書之面目披雲有自傾蓋可期  
某官種學淵源負材卓犖馳英聲於槐市擢榮第於桂  
林白面紅顏聊作神仙之隱吏金章紫綬行爲臺閣之  
貴人輿論所期私心尤祝

答來司戶

師韓

厠迹縉紳雅欽高譽効官幕府遂獲同僚未遑尺牘之  
修遽辱朋緘之及某官家聲素著吏學最優州縣勞人  
姑爲阮瞻三語之掾文武有種行繼李唐四子之風靡  
待政成佇膺詔擢

與都提舉

繫



伏審光被宸恩榮持使節輟握蘭之高選臨製錦之舊  
遊除目初頒提封交慶恭惟某官裔傳臨晉秀挺丹陽  
早收科第之榮屢更州縣之職學無入而不得治所至  
而有聲帝謂疇若予工姑暫勞於作匠官雖上應列宿  
甯久困於爲郎方清朝重外臺之權以大賢膺列郡之  
寄后稷居播奏之職能懋遷於有無劉晏幹山海之藏  
宜益知於取予第恐宸心之念賈佇聞詔墨之名參暫  
屈使軫卽持從橐

與安撫王閣學師心

伏審光膺宸命榮殿大藩輟喉舌之近司昇股肱之重  
寄除音初布輿論交歡恭惟某官望重三朝才高列辟  
學通古今而無入不得任更中外而所至有聲進長天  
官帝命素優於出納屈臨方面王畿有賴於藩宣矧茲  
會稽之邦實號蓬萊之府俯臨禹會仰切堯階爲二浙  
之雄都總七州之生齒旣近而大有如此非勳且賢其  
孰宜坐收作牧之功益著惟良之績越國之人方瘖上  
之委任固非輕漢庭之位尚虛公之來歸其非晚某備  
員幕府託芘旉幪民事未知寤寐敢忘於天語仕途初  
筮吹噓端藉於宗工

賀趙侍郎令詠

伏審光奉宸命榮遷地官親賢見用於朝中外罔不相  
慶某官玉牒歆向朱轡趙張豈惟標準於宗支固甚練



宋王忠文公集卷之十九  
達於吏事使輅屢駕興南閩十好之謠符竹薦分繼劉  
寵一錢之譽果蒙親擢魏領貳卿方國廩之未豐在版  
曹爲尤急省用斯能足用生財莫若節財願於論思獻  
納之時力陳本末源流之計贊漢文之儉德革唐室之  
私藏無若延齡援經誼以惑主宜同李絳不進獻以結  
恩要令粟腐於太倉罔使錢泄於異境主聖如此公言  
必從坐收取予之功行處弼諧之任某叨與幕府獲依  
大賢雖贊畫有愧古人然至室必以公事性素傷於愚  
直事每荷於寬容顧虞翻之榻猶存曲蒙屢下想元禮  
之門益峻未遂重登輒罄微情遙馳尺牘

謝王舍人

剛中

伏准照牒舉某自代者贊畫東州仰藉宗盟之芘判章  
西掖誤蒙國士之知寵過褒褒銘深肺腑竊以官居侍  
從則職在薦士識挺特達則心能盡公顧雖自代之虛  
文必引所知之同類歐陽持橐以器識而推呂東坡視  
草以文行而舉黃率由臭味之同遂有齒牙之借不事  
請託自膺薦揚如某者學最空疎文尤荒陋偶中楓宸  
之第叨爲蓮幕之賓民事未知惟恐有負於天子王言  
是代豈期見舉於公朝望外蒙恩顏間增愧茲蓋伏遇  
某官學貫經史文成訓謨有江左河汾之風流如嘉祐  
治平之人物得用舍行藏之正氣不下於權臣當論思  
獻納之秋舉輒先於寒士遂令庸繆妄辱品題某敢不



益勵操修無忘許與求之以文而應之以實端拜贈言  
勉其不逮而增其不能用酬知已

答王宮教

必中

備員幕職雅懷慕藺之誠闡教宮庠行遂識韓之願遠  
勤緘翰仰佩撝謙某官望重江南群空冀北芹宮得雋  
實多士之宗儒棣萼齊名皆一時之人傑式觀介弟之  
器識仰見難兄之範模將儀表於天朝姑作成於宗子  
庶俾神明之裔陶成信厚之風

答周主簿賀正

行夏之時允協三陽之應履端於始光膺百福之來德  
荷過謙禮蒙倒置某官望隆越絕秀蘊剡谿鵬躍天池  
偉若周郎之年少鸞棲枳棘蔚然仇覽之才華某叨預  
同年獲伊巨庇賦椒花之頌獻雖後於元正占茅茹之  
爻亨必同於他日

答慈溪姚知縣

應辰

昔登蕃榻雅蒙眄矐之私茲宦蠡城首辱緘封之賜俯  
增銘感仰佩謙冲某官操行絜修性資深厚克振箕裘  
之業薦更州縣之勞斯立不負丞吏甯容於摘紙子游  
善爲宰治何勞於割雞課最已聞名擢伊邇某濫塵科  
第叨與幕僚顧僥倖之爲多實獎提之有自報鯉書之  
太晚負負何言瞻鳧鳥之匪遙拳拳不替

與徐提刑

度



伏審光膺宸命榮總憲綱政已報於江東臺復移於浙  
左快覩除目慶溢蔀封恭惟某官天賦材猷家傳事業  
蚤登群玉之府上應列星之躔輝棣萼於一門結棠陰  
於兩郡方外臺之寄爲甚重非識治之才其孰宜劉晏  
理財何止爲管蕭之亞有功治獄當遠過于張之賢暫  
屈使軺佇持從橐某漢庭竊第越幕備員民事未知有  
負聖天子之明訓仕途初筮尚期部使者之寬容

答會稽錢知縣

某官家傳忠孝世襲簪纓治所至而有聲才無施而不  
可矧會稽之大邑實吳越之故封先王之遺愛尚存百  
里之良民易化况舊令尹之治方結於去思聞今大夫  
之賢益快於先覩靡俟報政佇膺迅除某竊第懷慙備  
員亾補幕中贊畫叨爲王儉之下僚堂上鳴琴行觀單  
父之美化

宋王忠文公文集第十九卷終



夕三思及之集

夕一八一六

三

月



夕三思及之集  
夕一八一六  
三  
月

夕



